


# كتاب الشيف الذهبي



كوكباد 

# مقدمة



الطبخ هو فن وإبداع وطاقة حب ورغبة في إسعاد الآخرين.  
مطبخي هو مرسمي الخاص.. قدوري وأطباقني هم لوحاتي ويدي هما  
أدواتي.

في هذا الكتاب تجدون الأطباق التي أبدعتها بحب لعائلتي في وصفات  
مفضّلة..

أتمنى أن ينال إعجابكم!



# كبدة بالبصل في الفرن



## طريقة التحضير

1. أولاً بنقطع الكبدة مكعبات أو شرائح زي ما تحبي واغسلها بس مش كتير وصفيها في مصفة
2. إحضري صينية وضعي فيها البصل المفروم والملح والفلفل والكمون والبابريكا والكزبرة والخل والليمون والفلفل الألوان والفلفل الحار وادعكهم بأيديكي كويس بعد كدة ضيفي الكبدة وقلبيها كويس مع الخليط وحوطي 1/2 كوب ماء وحوطي الزيت والزبدة على الكبدة
3. دخلي بنا الصينية الفرن لحد لما تستوي الكبدة وتتشرب كل كمية الماء يعني سيببها حوالي 1/2 ساعة في الفرن
4. بعد لما تستوي قدميها بنا جنب معكرونه أو أعملها ساندوتشات وجنبا بطاطس محمرة وطحينه وبابا غنوج بتكون حلوة جداً وسهلة جربها هتعجبك أوي ومتنسيش المخلل والخيار والجرجير

## المقادير

- 1/2 كيلو كبدة
- 2 بصلة مفرومة
- 3 ملاعق خل
- 1 عصير ليمونه
- 1/2 ملعقة فلفل اسود
- 1/2 ملعقة ملح
- 1/2 ملعقة كمون
- 1/2 ملعقة كزبرة ناشفة
- 1/2 ملعقة بابريكا
- 2 فلفل ألوان مقطع مكعبات
- 2 فلفل حار لو بتحبي سبايسي
- 1 ملعقة كبيرة زبدة
- 3 ملاعق زيت

من Soo hassan

# كعك كيك شوكولاتة بالأوريو



## طريقة التحضير

1. أولاً في الخلاط هنضع البيض والسكر والفانيليا والخل والزيت واللبن ونخلطهم مع بعض كويس  
نحضر طبق غويط ونضع فيه الدقيق والبيكنج بودر والكاكاو ونقلبهم وياريت ننخلهم الأول عشان الكيك يكون هش معاكي ونقلبهم كويس بمضرب سلك يدوي وبعدين نضيف الخليط السائل إللي في الخلاط عليهم ونقلبهم مع بعض كويس
3. نحضر صينية الكعك ونضع فيها ورق الكعك ونوزع خليط الكيك في كل كعك بس نملاها حوالي 3/4 ورق الكعك كيك لأنه هيرتفع في الفرن ونكسر الأوريو ونوزع الأوريو في كل كعك
4. ندخل الصينية الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد وبعدين قدمي الكعك كيك بعد كدة وأستمتعي بئاً بالطعم الرائع جيميبييل جداً جريبه

## المقادير

- 2 بيضة
- 1/2 كوب زيت
- 1 كوب سكر
- 1 كوب لبن
- 1 كيس فانيليا
- 1 ملعقة صغيرة خل
- 1 و 3/4 كوب دقيق
- 2 ملعقة كبيرة كاكاو خام
- 1 ملعقة كبيرة بيكنج بودر
- 3 باكيت اوريو



### طريقة التحضير

1. أولاً في الخلاط هنضع البيضة والسكر واللبن والذبدة السايحة والفانيليا ونخلطهم مع بعض كويس
2. نحضر بعد كدة طبق غويط ونضع فيه الدقيق والبيكنج بودر ونقلبهم مع بعض وياريت أنخلي الدقيق والبيكنج بودر مع بعض الأول عشان الكيك يكون هش معاكي وبعدين ضيفي الخليط إللي في الخلاط عليه وقلبيهم بمضرب سلك يدوي
3. إحضري صينية الإنجلش كيك وإدهنيها ذبدة ورشيها بالدقيق وبعدين نضع فيها 3/4 الخليط والربع المتبقي نضع عليه ملعقة الكاكاو ونقلبهم مع بعض كويس وضيفي ملعقتين من اللبن لو حسيتي إن الكيك ثقيل معاكي وبعدين ضيفي الخليط البني على الخليط الأبيض إللي في الصينية
4. دخلي بنا الخليط البني مع الأبيض بعصاية الشيش طاووق وبعدين دخلي الصينية الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد وبعدين قطعها وقدميها بعد كدة وبالهناء والعافية بجد روعة وتحفة جريبيها هتعجبك جداً
5. ملحوظة: لو عايزة تعملي الكيك في صينية عادية ضعفي المقادير وأعملها بتكون حلوة بردو

### المقادير

- 1 بيضة
- 1/2 كوب سكر
- 1/2 كوب لبن
- 1/4 كوب ذبدة سايحة
- 1 كوب دقيق
- 1 ملعقة صغيرة كاكاو
- 1 ملعقة صغيرة بيكنج بودر
- 1 كيس فانيليا

# كريب رول بجبنة رومي وكريمي وبسطرما



## طريقة التحضير

1. أولاً في الخلاط بنضع اللبن والبيضة والدقيق والسكر والملح والزيت والخل ونخلطهم كويس جداً مع بعض
2. نحضر مقلاة غير لاصقة ونضعها على النار ونضع فيها قليل من الزيت ونضع فيها كمية من عجينة الكريب في وسط المقلاة ونوزع العجينة في المقلاة كلها ولما تتحمر من تحت نقلها على الجنب الثاني وهدى النار عشان متحرقش منك ولما تتحمر من الجانبين طلعيها وحوطيها في طبق وغطيها بفوطة مطبخ نظيفة
3. كملني بنا كل كمية العجينة وغطيهم عشان تكون العجينة طرية معاكي
4. بعد كدة خودي واحدة من الكريب ووزعي فيها الجبنة الكريمي أو جبنة مثلثات إللي متوفر عندك وبعدين حوطي الجبنة الرومي والبسطرمة وزعيهم على طرف الكريب وبعدين لفي الكريب رول وحوطية تاني في المقلاة عشان يسخن والجبنة تسيح وياخذ لون حلو وقلبيها علي الجانبين ولما يتحمر حبة طلعية من المقلاة بعد كدة
5. كملني كل الكمية كدة وقدميها بعد كدة واقطعية نصفين وقدمية بعد كدة على الفطار أو العشا بيكون حلو جداً وممكن تغيري في الحشوة زي ما إنتي عاوزة وبالهناء والعافية
6. ملحوظة: لو عايزة تضاعفي كمية الكريب ضعفي المقادير ويديكي كمية كريب اكثر

## المقادير

- 1 كوب لبن
- 1 كوب دقيق
- 1 بيضة
- رشة ملح
- 1/4 ملعقة صغيرة سكر
- 1 ملعقة صغيرة خل
- 2 ملعقة صغيرة زيت
- للحشوة نحتاج:
  - جبنة رومي
  - جبنة كريمي
  - بسطرمة

# كيك بحشوة المربي والكرامة



## طريقة التحضير

1. أولاً في الخلاط هنضع الزيت والسكر واللبن والبيض والفانيليا والخل ونخلطهم مع بعض كويس
2. نحضر طبق غويط ونضع فيه الدقيق والبيكنج بودر ونقلبهم مع بعض كويس وياريت انخلي الدقيق عشان الكيكة تكون هشة معاكي وبعدين ضيفي الخليط إللي في الخلاط عليهم وقلبهم كويس بمضرب سلك يدوي
3. إحضري صينية وأدهنيها زبدة ورشيها بالدقيق وبعدين حوطي خليط الكيك في الصينية ودخلي الصينية الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد
4. قسمي الكيك نصفين واحشيها الأول بالمربي وبعدين حوطي الكرامة على المربي وحوطي بعد كدة طبقة الكيك الثانية ورشي عليها سكر بودرة وقدميها بعد كدة بجد روعه جربها هتعجبك جداً وبالهدنا

## المقادير

- 2 كوب دقيق
- 2 بيضة
- 1 كوب لبن
- 1 كوب سكر
- 1/2 كوب زيت
- 1 ملعقة كبيرة بيكنج بودر
- 1 كيس فانيليا
- 1 ملعقة صغيرة خل
- للحشوة نحتاج :
- 2 كيس كريم شانتيه
- مربي فراوله
- سكر بودرة للتزيين

# كيك بالشوكولاتة مع شوكولاتة فلوتس



## طريقة التحضير

1. أولاً في الخلاط هنضع الزيت والسكر واللبن والكاكاو وأختاري نوع كاكاو كويس عشان طعم الكيك يكون حلو وبعد كدة نخلطهم مع بعض كويس لحد لما يتقل القوام وبعدين نأخذ من الخليط ده مقدار كوب ونضع الكوب في الثلاجة وباقي الخليط المتبقي في الخلاط هنضع عليه البيض والفانيليا ونخلطهم تاني مع بعض نحضر طبق غويط ونضع فيه الدقيق والبيكنج بودر ونقلبهم مع بعض كويس وبعدين نضيف الخليط السائل إللي في الخلاط عليهم ونقلبهم مع بعض وبعدين جيبي صينية حجم وسط وأدهنيها بالزبدة ورشيها بالدقيق وبعدين نضع فيها الخليط وندخلها الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد
3. نقسم الكيك نصفين ونسقي كل نصف بقليل من اللبن أو شربات الحلويات عشان الكيك يكون هش وبعدين حوطي الكريم شانتيه على طبقة الكيك وبعدين حوطي الطبقتين على بعض
4. جيبي بنا كوب الصوص من الثلاجة وضيفيه على الكيك كله وساوية وبعدين دخلها الثلاجة ساعة وبعدين خرجها بعد كدة وزينها بالفلوتس وقدميها بعد كدة وبالهناء والعافية بجد روعة وتحفة

## المقادير

- 1 كوب سكر
- 1 كوب لبن
- 1 كوب دقيق
- 1 كوب زيت
- 1/2 كوب كاكاو
- 2 بيضة
- 1 كيس فانيليا
- 1 ملعقة كبيرة بيكنج بودر
- 2 كيس كريم شانتيه
- شوكولاته فلوتس للتزيين



## طريقة التحضير

1. أولاً نغسل الفراولة كويس جداً ونشيل الجزء الأخضر من فوق وبعدين نقسم كل فراولة نصفين وبعدين نضع الفراولة في الخلاط
2. نضع بعد كدة اللبن والكريم شانتيه والسكر والفانيليا مع الفراولة ونخلطهم مع بعض كويس
3. قدمي بنا عصير الفراولة في اكواب العصير وأستمتعي بالطعم التحفة بجد وبالهناء والعافية

## المقادير

- 1/2 كيلو فراولة
- 4 كوب لبن
- 2 كيس كريم شانتيه
- 4 ملاعق كبيرة سكر
- 1 كيس فانيليا

# تفاح بالسكر المكرمل



## طريقة التحضير

1. أولاً نغسل التفاح كويس جداً ونشّف التفاح ونضع في كل تفاحة عصاية خشبيه من عصيان الشيش طاووق
2. نحضر حله صغيرة ونضع فيها السكر والماء وملح الليمون ويمكن تستبدلي ملح الليمون بعصير 1/2 ليمونه ونتركه يغلي على النار لمدة 12 دقيقة وبعد كدة نضع اللون الأحمر ونقلبهم مع بعض
3. نختبر السكر عن طريق نأخذ قليل من السكر المكرمل ونضعه في بولة فيها حبة ماء مثلج ولو كان السكر المكرمل ناشف وبيكسر بيكون هو دة درجة الحرارة المطلوبة من السكر ولو حسة لسة سيبية حبة كمان
4. بعد لما السكر يعطينا القوام المظبوط بنشيلو من على النار و بنضع اول تفاحة ونغمسها كويس في السكر المكرمل وبعدين نحضر صينية ندهنها بالزيت ونضع فيها التفاح ونكمل كل الكمية بالشكل دة ولما ينشف قدمية بعد كدة

## المقادير

- 1/2 كيلو تفاح
- 2 كوب سكر
- 1 كوب ماء
- 1/4 ملعقة ملح ليمون
- 2 ملعقه صغيرة لون احمر



## طريقة التحضير

1. أولاً في الخلاط هنضع البيضه واللبن والسكر والفانيليا والخل والزبدة ونخلطهم مع بعض كويس
2. نحضر طبق غويط ونضع فيه الدقيق والبيكنج بودر ونقلبهم مع بعض كويس وياريت انخلي الدقيق عشان الكيكة تكون هشة معاكي وبعدين ضيفي الخليط إلي في الخلاط عليهم وقلبهم بمضرب سلك يدوي
3. إحضري صينية إنجلش كيك وإدهنيها زبدة ورشيها بالدقيق وبعدين حوطي خليط الكيك في الصينية ودخلي الصينية الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد وبعدين رشي عليها سكر بودرة وقطعيها وقدميها بعد كدة وبالهناء والعافية

## المقادير

- 1 كوب دقيق
- 1 بيضه
- 1/2 كوب سكر
- 1/4 كوب لبن
- 1/4 كوب زبدة سايحة
- 1 كيس فانيليا
- 1 ملعقة صغيرة خل
- 1 ملعقة صغيرة بيكنج بودر
- سكر بودرة للتزيين

# بولات التشيز كيك بالأوريو



## المقادير

- 4 باكيت أوريو
- 1 كيس كريم شانتي
- 3 ملعقة زبدة سايحه
- 5 قطع جبنة مثلثات
- 1 كوب مهليه
- لعمل المهلبية نحتاج:
- 1 كوب لبن
- 1 ملعقة كبيرة سكر
- 1 ملعقة كبيرة نشا
- 1 كيس فانيليا

## طريقة التحضير

1. أولاً نضع الأوريو في المكسر ونطحن الأوريو كويس جداً وبعدين نضع عليه الزبدة السايحة ونقلبهم مع بعض ونضعه في طبق غويط
2. نحضر طبق غويط ونضع فيه كيس الكريم شانتي ونضع عليه 1/2 كوب من اللبن المثلج ونضربهم بمضرب كهربائي كويس جدا لحد لما يتقل القوام ويكون كريمي
3. نضع بعد كدة كوب المهلبية على الكريم شانتي ويكون بارد وقطع الجبنة المثلثات ونضربهم مع بعض بالمضرب الكهربائي كويس جدا
4. نحضر بولات التقديم ونضع فيها الأوريو المطحون وبعد كدة طبقة من الكريمة وبعد كدة طبقة من الأوريو وزينها بقطعه من الأوريو
5. حوطي البولات في الثلاجة لمدة ساعة وقدميها بعد كدة وبالهناء والعافية بجد روعة جربها حلوة أوي وسهلة
6. بالنسبة للمهلبية بنضع اللبن والنشا والسكر والفانيليا في حاجة مناسبة ونضعهم على النار مع الأستمرار في التقليب لحد لما يتقل القوام ونقل النار بعد كده ولما تبرد بنضعها على الكريمة والجبنة

من Soo hassan

# فطائر الطاسة بالكاسترد والموز



## طريقة التحضير

1. أولاً في طبق غويط نضع الدقيق والسكر ورشة الملح ونعجنهم بالماء الدافئ كويس جداً لحد لما تعطينا عجينه ملساء
2. نقسم العجينة إلى اربع كرات متساوية ونضع العجينة بعد كدة في طبق غويط ونضع على كور العجين 1/4 كوب الزيت ونسبها تترتاح 1/2 ساعة
3. نحضر الكاسترد في هذه الفترة بنضع اللبن والسكر والكاسترد البودرة في حله مناسبه وبعدين نضع الكاسترد على النار ونقلبهم لحد لما يتقل القوام ونقل النار بعد كدة ونسب الكاسترد بيرد
4. بعد لما العجينة ارتاحت بناخد كورة من العجين ونفردها بأيدينا واحنا بنفرد نضع زيت من الموجود في الطبق ونفرد لحد لما العجينة تكون رقيقة معاكي وبعدين حوطي ملعقتين من الكاسترد في وسط العجينة وطبقي العجينة على بعض مثل المربع وسببها علي جنب لحد لما تخلصي كل كمية العجين
5. بعد لما تخلصي كل كمية العجين بالشكل ده جيبني مقلاية وحوطيها على النار وتكون النار هادية وحمري فيها الفطائر وبعدين لما تتحمر غطيها 10 دقائق وبعدين رشى عليها سكر بودرة وقطعي عليها موز وقدميها بعد كدة وبالهناء والعافية بجد هتعجبك جداً جربيهما وأستمتعي بالطعم الرائع

## المقادير

- 2 كوب دقيق
- رشة ملح
- 1/2 ملعقة صغيرة سكر
- 1/4 كوب زيت
- 1/2 كوب ماء دافئ
- للحشوة نحتاج :
- 2 كوب لبن
- 2 ملعقة كبيرة كاسترد بودرة
- 2 ملعقة كبيرة سكر
- 3 حبات من الموز
- سكر بودرة

من Soo hassan

# فشار بالزبدة والكرم



## طريقة التحضير

1. أولاً في حله علي النار نضع الزيت والذبدة وتكون النار عالية بعد كدة نضع الكرم والملح وذرة الفشار ونقلبهم مع بعض ونغطي الحله ونسبب الفشار لحد لما كله ينضج وبعدين نهدي النار عليه
2. بعد كدة نقفل النار على الفشار ونقدمة بعد كدة بجد حلو جداً جربيه وبالهناء والعافية يارب

## المقادير

- 1/2 كوب ذرة فشار
- 1/2 ملعقة صغيرة ملح
- 1/2 ملعقة صغيرة كرم
- 2 ملعقة كبيرة زيت
- 1 ملعقة كبيرة زبدة



## طريقة التحضير

1. أولاً نضع اللحمة في طبق غويط ونضع البصل والبقدونس والملح والفلفل والبهارات والسكر والقرفة ونعجنهم بأيدينا كويس جداً
2. ندخل اللحمة الثلاجة 1/2 ساعة تترتاح وبعدين نشكلها بأيدينا الشكل اللي تفضليه ممكن تعملي زي ما انا عاملة ممكن تعملي اللحمة كور براحتك وبعدين جيبي مقلاية وحوطي فيها كل كمية الكفته وحوطي عليها الماء والزيت وغطى المقلاية وحوطيها على نار هاديه لحد لما تنتشرب كل كمية الماء
3. بعد كدة حمريها في الزيت الموجود في المقلاية سيببها تاخذ لون ذهبي وبعدين أقلي النار عليها والماء اللي إحنا حطيناه ببساعد الكفته أنها متفكش منك خالص في المقلاية
4. إحضري فحمة وحوطيها على النار لحد لما لونها يحمر معاكي وبعدين جيبي ورقه صغيرة من الفويل وحوطيها في نصف المقلاية وسط الكفته وبعدين حوطي الفحمة وحوطي عليها نقطتين زيت عشان تطلع دخان وغطى المقلاية على الكفته وتسيبها 10 دقائق وقدميها بعد كدة وبالهناء والعافية

## المقادير

- 1/2 كيلو لحمة مفرومة
- 2 بصله كبيرة مبشورة
- 1/2 ملعقة صغيرة فلفل اسود
- 1/2 ملعقة صغيرة بهارات لحمه
- 1/2 ملعقة صغيرة ملح
- 1/2 ملعقة صغيرة قرفة
- 1/4 ملعقة صغيرة سكر
- بقدونس مفروم
- 1/2 كوب ماء
- 3 ملاعق كبيرة زيت فحمة صغيرة

# جاتو شاتو بالشوكولاتة



## طريقة التحضير

1. أولاً في الخلاط هنضع الزيت والسكر واللبن والكاكاو ونخلطهم مع بعض كويس لحد لما الخليط يتقل بعد كدة ناخذ 3/4 كوب من الخليط ونضع الكوب في الثلاجة وباقي الكمية الموجودة في الخلاط هنضع عليها البيض والخل والفانيليا ونخلطهم مع بعض كويس نحضر طبق غويط ونضع فيه الدقيق والبيكنج بودر ونقلبهم مع بعض كويس وياريت ننخل الدقيق عشان الكيكة تكون هشة معاكي وبعدين ضيفي الخليط إلي في الخلاط عليهم ونقلبهم مع بعض وبعدين أحضري صينية مستطيلة وسط وأدهنيها بالذبدة ورشيها بالدقيق
3. وبعدين حوطي خليط الكيك في الصينية ودخلي الصينية الفرن على درجة حرارة ١٨٠ حوالي نصف ساعة ولما تستوي نخرجها من الفرن ونسبها تبرد
4. قطعي الكيك إلى مربعات وبعد كدة جيبني خليط صوص الشيكولاتة من الثلاجة ووزعيها على الكيك كلها حاولي دخلي الصوص بين فراغات الكيك ودخلي الكيك الثلاجة 1/2 ساعة وبعد كدة قدمية وزينيها بأي تزين تفضلية وبالعافية

## المقادير

- 1 كوب سكر
- 1 كوب لبن
- 1 كوب دقيق
- 1 كوب زيت ذرة
- 1/2 كوب كاكاو
- 2 بيضة
- 1 كيس فانيليا
- 1 ملعقة كبيرة خل
- 1 ملعقة كبيرة بيكنج بودر

# مسقعة الباذنجان والفلفل بالخل والثوم



## المقادير

- 2 حبة باذنجان كبيرة
- 8 حبات من الفلفل الرومي
- 1 ملعقة كبيرة ثوم مفروم
- 3 ملاعق كبيرة خل
- 1/2 ملعقة صغيرة ملح
- 1/2 ملعقة صغيرة سكر
- 1/2 ملعقة صغيرة فلفل اسود
- 1/2 ملعقة صغيرة بابريكا
- 3 ملاعق كبيرة زيت
- 1 كوب ماء
- 3 حبات من الطماطم

## طريقة التحضير

1. أولاً نغسل الفلفل الرومي ونشيل البذور من الفلفل ونغسل الباذنجان ونقطعة إلى شرائح وبعدين نضعهم في مصفاه ونرش عليهم قليل من الملح
2. نحمر الفلفل والباذنجان في الزيت ونخرجهم ونضعهم على مناديل مطبخ
3. نحضر مقلاة ونضع فيها 3 ملاعق من الزيت ونضع فيها الثوم المفروم ونحمره شوية وبعدين نقطع الطماطم إلى مكعبات صغيرة ونضعها على الثوم ونضع الملح والفلفل والبابريكا والسكر ونضع كوب الماء والخل ونقلبهم مع بعض ونهذي النار ونسبب الطماطم تتسبك شوية وبعدين نقلل النار عليها
4. نحضر طبق التقديم ونضع فيه الباذنجان والفلفل ونضع عليه صوص الطماطم ولما يبرد نقدمه بعد كدة جربييه هيعجبك اوي وبالعافيه



## طريقة التحضير

1. أولاً نغسل الجمبري كويس جداً ونصفيه في مصفاه ونضعه في حلة بعد كدة ونضيف عليه الملح والفلفل والبابريكا والكمون والشطة
2. نغسل الفلفل الرومي والطماطم ونقطعهم مكعبات ونضعهم على الجمبري ونقطع البصل مكعبات ونضعهم على الجمبري ونقطع الثوم حلقات ونضعهم على الجمبري ونقلبهم مع بعض ونضع كوب ماء ونضع الجمبري على نار هادئة لمدة 1/4 ساعة
3. نقدم الجمبري بعد كدة في طبق التقديم وناكل الجمبري الخطير ده جنب عيش وسلطة طحينة وشوربة الجمبري نصفها و نقدمها بجانب الجمبري ونعصر على الشوربة ليمون بجد طعم الشوربة بتاعت الجمبري رووعة

## المقادير

- 1 كيلو جمبري
- 1 ملعقة صغيرة ملح
- 1 ملعقة صغيرة كمون
- 1 ملعقة صغيرة فلفل اسود
- 1 ملعقة صغيرة بابريكا
- 1/4 ملعقة شطة (أختياري)
- 3 فلفل رومي
- 3 حبات طماطم
- 2 بصلة
- 8 فصوص من الثوم
- 1 كوب ماء



## طريقة التحضير

1. أولاً نسلق المكرونه في ماء مضاف إليه قليل من الملح وملعقة من الزيت ونسلقها لمدة ٧ دقائق ونصفيها من الماء ونتركها على جنب لحد لما نعمل الصوص
2. نحضر مقلاة غويطة ونضع فيها الزيت والذبدة و البصل والثوم ونحمرهم شوية بعد كدة نضيف الجمبري وطبعاً الجمبري مقشر ومغسول كويس جداً ونقلبهم مع بعض وبعدين نضيف الفلفل الأخضر و الملح والفلفل والبابريكا ومكعب المرق ونقلبهم مع بعض
3. نضيف بعد كدة عصير الطماطم وصلصة الطماطم ونسبهم يتسبكوا حبة مع بعض وبعدين نقفل النار على الصوص
4. نحضر طبق التقديم ونضع فيه كميته من المكرونه على قد فرد ونضع عليها الصوص من فوق ونقدمه بعد كدة وممكن تحوطي كل كمية المكرونه على الصوص وتقليبهم مع بعض وتقدميها بعد كدة براحتك إنتي وزوقك

## المقادير

- 1/2 كيلو جمبري
- 1 كيس مكرونه
- 1 بصلة مبشورة
- 1 ملعقة صغيرة ثوم مفروم
- 1 ملعقة كبيرة زبدة
- 3 ملاعق كبيرة زيت
- 1 كوب عصير طماطم
- 2 ملعقة كبيرة صلصة طماطم
- 2 فلفل رومي مقطع مكعبات
- 1 مكعب مرقه
- 1/2 ملعقة صغيرة فلفل اسود
- 1/2 ملعقة صغيرة ملح
- 1/2 ملعقة صغيرة بابريكا

من Soo hassan

# بطاطا حلوة بالزبدة واللبن



## طريقة التحضير

1. أولاً نغسل البطاطا ونقشرها ونقطعها حلقات وبعدين نحضر صينية ونضع فيها البطاطا واللبن والماء والسكر والزبدة والفانيليا ونضعها على النار ونهذي النار عليها ونغطي الصينية ونسيب البطاطا لحد لما تستوي وتتشرب كل كمية المية واللبن
2. بعد لما تستوي البطاطا وتتشرب كل كمية اللبنة والمية ندخل الصينية الفرن ونفتح الشواية عليها لحد لما وشها يتحمر ونخرها من الفرن بعد كدة ونرش عليها جوز هند
3. قدمي بنا البطاطا في أطباق التقديم وبتناكل وهي ساخنة بتكون روعة بجد وممكن تحوطي زبيب لو متوفر عندك

## المقادير

- 4 حبات من البطاطا
- 2 كوب لبن
- 1 كوب ماء
- 2 ملعقة كبيرة ذبدة
- 2 ملعقة كبيرة سكر
- 1 كيس فانيليا
- جوز هند للتزين



## طريقة التحضير

1. أولاً في طبق غويط نضع كيس بودرة الآيس كريم الفانيليا وبعدين نضيف اللبن المثلج ونضربهم بمضرب كهربائي كويس جداً لحد لما يتقل القوام ويكون كريمي بعد كدة نضع الكريم شانتي في علبة بلاستيك ونغطيه وندخله الفريزر مش أقل من ٥ ساعات أو أكثر بيبكون أفضل
2. نحضر ٢ باكيت من الأوريو ونطحنهم في الكبة وبعدين نضع عليهم الذبدة المذابة ونقلبهم مع بعض كويس
3. نحضر بولات التقديم ونضع فيها البسكوي من تحت ومن فوقها طبقة الآيس كريم الفانيليا وبعدين نكسر عليها أوريو من فوق ونقدمها بعد كدة ولو عايزة عملي كل الكمية ودخلها الفريزر عند التقديم ممكن عملي كده

## المقادير

- 1 كيس آيس كريم دريم بالفانيليا
- 1 كوب لبن مثلج
- 4 باكيت بسكويت أوريو
- 3 ملعقة كبيرة ذبدة مذابة

من Soo hassan

# لحمة ستيك بصوص الباربيكيو



## المقادير

- 1/2 كيلو لحمة شرائح
- 2 بصلة
- 2 طماطم
- 1/4 كوب ماء
- 2 ملعقة كبيرة صوص باربيكيو
- 1/2 ملعقة صغيرة فلفل اسود
- 1/2 ملعقة صغيرة بهارات لحمة
- 1/2 ملعقة صغيرة ملح
- 1/2 ملعقة صغيرة سكر
- 3 ملاعق كبيرة خل

## طريقة التحضير

1. أولاً نضع البصل والطماطم والماء في الكبة ونخلطهم مع بعض كويس وبعدين نصفهم وناخد ماء البصل والطماطم بس ونضعهم على اللحمة
2. نضع بعد كدة كل التوابل الموجودة في الوصفه وصوص الباربيكيو ونخلطهم مع بعض كويس وبعدين نسيب اللحمة في التتبيلة حوالي ساعتين أو أكثر يكون أحسن
3. نحضر مقلاة ونضع فيها زيت وملعقة زبدة ونحمر فيها الأستيك ولما يتحمر نقدمه بعد كدة ممكن تقديمه بجانب خضار سوتية ورز أبيض أو معكرونة أو عملي ساندوتشات وجنبها بطاطس محمرة



# خلية النحل بحشوة الزيتون وميكس الجبن



## طريقة التحضير

1. أولاً في طبق غويط نضع اللبن وبياض بيضة ونسيب الصفار عشان ندهن بية وش المعجنات والزيت والزبادي والخل والسكر والخميرة ونقلبهم مع بعض كويس بعد كدة نضيف الدقيق والبيكنج بودر ورشة الملح ونعجنهم مع بعض كويس مش أقل من ٧ دقائق أخدمى العجينة عشان تنجح معاكي
2. بعد كدة نحيب طبق غويط ونضع فيه قليل من الزيت ونضع فيه العجينة ونغطيها ونسبها تخمر حوالي ساعة وبعد لما تخمر نكورها كور صغيره ونضعهم في صينييه مرشوشه بالدقيق ونغطيها بفوطه مطبخ نظيفة بعد كدة ناخذ كورة من العجين ونحشيها بالجبن والزيتون ونكورها ونضعها بعد كدة في صينية مدهونة بالزيت ونكمل كل الكمية بالشكل ده ونسبها تخمر ثاني حوالي 1/4 ساعة بعد كدة ندهن وشها بصفار بيضة عليه ٣ ملاعق لبن ورشة فانيليا و1/4 ملعقة خل ونرش عليها سمس وحبة البركة وندخلها الفرن على درجة حرارة 200 حوالي نصف ساعه او أقل لحد لما وشها يتحمر ونخرها من الفرن بعد كدة ونغطيها بفوطه مطبخ نظيفة حوالي 10 دقائق وقدميها بعد كدة وبالهناء والعافية
- 3.

## المقادير

- 3 كوب دقيق
- 1 كوب لبن دافئ
- 2 ملعقة كبيرة زبادي
- 1 بيضة
- رشة ملح
- 1 ملعقة صغيرة سكر
- 1/2 ملعقة صغيرة بيكنج بودر
- 1 ملعقة صغيرة خميرة
- 1 ملعقة صغيرة خل
- 1/4 كوب زيت
- زيتون أسود وأخضر
- ميكس جبن (رومي\_موتزاريللا\_شيدر)

# كيك بالبلح الأسود والزبدة



## طريقة التحضير

1. أولاً في الخلاط هنضع السكر والزبدة والبيضة والفانيليا والخل واللبن ونخلطهم مع بعض كويس
2. نحضر طبق غويط ونضع فيه الدقيق والبيكنج بودر ونقلبهم مع بعض وبعدين نضيف الخليط السائل اللي في الخلاط عليهم ونقلبهم مع بعض وياريت أنخلي الدقيق والبيكنج بودر عشان تكون الكيكة هشة معاكي
3. نحضر صينية الإنجلش كيك وندهنها ذبدة ونرصص فيها البلح الأسود ونرش حبة قرفه على البلح ونضع خليط الكيك على البلح وبعدين ندخل الصينية الفرن على درجة حرارة ١٨٠ حوالي نصف ساعة
4. ولما تستوي نخرجها من الفرن ونسبها تبرد وبعدين قطعها وقدميها بعد كدة وبالهناء والعافية بجد روعة وتحفة جريبيها هتعجبك أوي طعم البلح الأسود مع الكيك تحفة بجد جريبيها

## المقادير

- 1 بيضة
- 1/2 كوب سكر
- 1/4 كوب ذبدة مذابة
- 1/4 كوب لبن
- كيس فانيليا
- 1 ملعقة صغيرة بيكنج بودر
- 1 ملعقة صغيرة خل
- 1 كوب دقيق
- بلح أسود مقشر
- 1/4 ملعقة صغيرة قرفة

# جلاش بالبسطرمة والزيتون وميكس الجبن



## طريقة التحضير

1. أولاً نحضر صينية وندهنها بالذبدة ونضع فيها ورقه من الجلاش وبعد كدة ندهنها بخليط التشرية وبعدين نحضر ورقة أخرى من الجلاش وندهنها بخليط التشرية ونعمل نصف كميته الجلاش بالشكل ده وبعدين نضع الحشوه بسطرمة وزيتون وفلفل ألوان وميكس الجبن
2. ونصف ورق الجلاش المتبقي نضع واحدة وندهنها بالتشريه وواحدة أخرى وندهنها بالتشريه لحد لما نخلص كل كمية الجلاش وبعد كدة نضيف كوب التشرية على الجلاش ونقطع الجلاش مربعات وندخل الجلاش الفرن على درجه ١٨٠ حوالي نصف ساعة ولما يستوي نخرجه من الفرن بعد كدة ولما يبرد حبه نقدمه بعد كدة
3. بجد طعمه حلو أوي وسهل وتغير في حشوة الجلاش
4. بالنسبة للتشريه بنضع كل المكونات مع بعض ونقلبهم كويس جداً وبعدين نستخدمها لتشرية الجلاش

## المقادير

- 1 علبه من الجلاش  
للحشوة نحتاج:  
كمية من بسطرمة  
زيتون أسود وأخضر  
2 حبات فلفل ألوان  
ميكس جبن  
(رومي\_موتزاريللا\_شيدر)  
لتشرية الجلاش نحتاج :  
1 كوب لبن  
3 ملاعق زبادي  
1/2 ملعقة صغيرة بيكنج  
بودر  
1/4 كوب زيت  
2 ملعقة كبيرة زبدة مذابة

# جلاش رول بالمكسرات



## طريقة التحضير

1. أولاً نحضر لفة الجلاش ونفردّها ونقطعها إلى اربعة بالطول وبعدين ناخذ اول ورقه ونضع فيها حشوة المكسرات ونلفها رول ونضعها في صينية ونكمل كل كمية الجلاش بالشكل دة
2. بعد لما نخلص الكمية كلها ونرصها في الصينية نضع على الجلاش 1/2 كوب السمن نوزع السمن على الجلاش كله وبعدين ندخل الصينية الفرن على درجة حرارة ١٨٠ حوالي نصف ساعة
3. ولما الجلاش يتحمر خرجيه من الفرن وحوطي عليه شربات الحلويات ويكون الشربات بارد وسيببية يبرد وبعدين قدميه بعد كدة
4. بالنسبة لحشوة الجلاش هتحوطي الفول السوداني المجروش والزبيب وجوز الهند في طبق وحوطي عليهم ملعقة صغيرة من السكر وحوطي 1/2 ملعقة من القرفة وقلبيهم مع بعض كويس وبعدين أحشي بيه الجلاش 😍 وممكن تضيفي اي نوع مكسرات تانيه إللي متوفر عندك 😊

## المقادير

- 1 لفة من الجلاش
- 1/2 كوب سمنه مذابه مكسرات:
- جوز هند\_ فول
- سوداني\_ زبيب
- 1 ملعقة صغيرة سكر
- 1/2 ملعقة قرفة
- شربات حلويات

أتمنى أن تكونوا قد استمتعتم بكتاب وصفاتي الخاص من كوكباد كما  
استمتعت أنا بإضافة كل وصفة فيه.. وليبق شعار كوكباد "اجعل طبخ  
كل يوم متعة" هو المعين الأول لنا في رحلاتنا اليومية المتكررة إلى  
المطبخ.

تابعونا على مواقع التواصل الاجتماعي  
فيسبوك: [facebook.com/CookpadAr](https://facebook.com/CookpadAr)  
انستغرام: [/instagram.com/cookpad\\_arabic](https://instagram.com/cookpad_arabic)

حمل تطبيق:  كوكباد

